

## 佛说阿难分别经 1 卷

No. 495

### 佛说阿难分别经

乞伏秦沙门释法坚译

阿难白佛言：「有人事佛得富贵谐利者，有衰耗不偶者，云何不等耶？愿天中天，普为说之。」

佛告阿难：「有人奉佛，从明师受戒，专信不犯，精进奉行，不失所受。形像鲜明，朝暮礼拜，恭敬然灯。净施所安，不违道禁，斋戒不厌，中心欣欣，常为诸天、善神拥护；所向谐偶，百事增倍，为天龙、鬼神、众人所敬，后必得佛。是为善男子、善女人真佛弟子也。」

「有人事佛，不值善师，不见经教，受戒而已。示有戒名，愤塞不信，违犯戒律，乍信不信，心意犹豫。亦无经像，既不日日烧香作礼，恒怀瞋恚。恶口骂詈，又不六斋，杀生趣手。不敬佛经，持着衣被弊篋之中；或着妻子床上；或以挂壁，无有座席供养之心，与世间凡书无异。若疾病者，狐疑不信，便呼巫师，卜问解奏，祠祀邪神，天神远离，不得善护，妖魅日进，恶鬼屯门，令之衰耗，所向不谐。现世罪人，非佛弟子，死当入泥犁中，被考治掠。由其罪故，现自衰耗，后复受殃，死魂神痛，酷不可言。」

「愚人盲盲，不思宿命先世因缘，精神所之，根本从来，谓言事佛致是衰耗。不惭前世宿行不功，责圣咎天，世人迷谬，不达乃尔。不达之人，狐疑犹豫，信不坚固，心怀不定，进退失理，违负佛恩，而无反复，遂为三涂所见缀缚，自作祸福。罪识之缘，种之得本，不可不顺，十恶怨家，十善厚友，安神得道，皆从善生。善为大铠，不畏刀兵，有能守信，室内和安，福付自然，非神授与也。今复不信者，后生转复剧矣！」

佛言：「阿难！善恶迫人，如影逐形，不可得离。罪福之事，亦皆如是，勿作狐疑，自堕恶道！谛信不迷，所在常安，佛语至诚，终不欺人。」

佛复告阿难：「佛无二言，经法难闻，汝宿有福，今得侍佛，当念报恩，班宣法教，示现人民，为作福田，信者得值，后生无忧。」

阿难受教，奉行普闻。

阿难复白佛言：「人不自手杀，教人杀者，不自手杀为无罪耶？」

佛言：「阿难！**教**人杀者，重于自杀。何以故？或是奴婢愚小下人，不知罪法；或为县官逼为所使，不自意出，虽获其罪，事意不同，轻重有差。教人杀者，知而故犯，阴怀逆害，愚恶趣手，无有慈心；欺罔三尊，亦复自然犯五逆罪，害生机命，其罪莫大！怨对相报，世世受殃，展转相偿，无有断绝。现世不安，数逢灾凶，死入地狱，出离人形，当堕畜生中，为人屠截，三涂八难，巨亿万劫，以肉供人，未有竟时。令身困苦，噉草饮泉，今世现有是辈畜兽，皆由前世得为人时，暴逆无道，阴害伤生，不信致此，世世为怨，还相报偿，神同形异，罪深如是。」

阿难复白佛言：「世间人及佛弟子，恶意向师及道德之人，其罪云何？」

佛语阿难：「夫为人者，当爱乐人善，以善为友，不可嫉之。人有恶意向有德之人及善师者，是恶意向佛无异也。宁持万石弩还自射身。」

佛语阿难言：「自射身为痛不？」

阿难言：「甚痛，甚痛！世尊！」

佛言：「人持恶意，向道德人及其师者，痛剧弩射身也。为人弟子，不可轻慢其师，恶意向道德人，当视之如佛，不可嫉其善也。人有戒德者，感动诸天，天龙、鬼神莫不敬尊。宁投身火中，利刀割肉，慎莫嫉妬人之善也，其罪不小。慎之！慎之！」

阿难言：「师者为，可灼然非弟子不？以小罪成大，可无罪不？」

佛言：「不可！亦甚深甚深！师、弟之义，义感自然，当相许后，视彼如己；己所不欲，勿施于人，弘崇礼律，不使怨讼，弟子亦尔。二义真诚，师当如师，弟子当如弟子，勿相诽谤，慎莫含毒，小怨成大，还自烧身。我观

末世，诸恶人辈，魔世比丘，但念他恶，不自止恶，嫉贤妬善，不念行道，既不能为，复坏毁人，断绝道意，令不得行。贪务俗业，积财自丧，死堕恶罪大泥犁中，未当如是。于世何求？念付佛恩，相率以道，道不可不学，济神离苦，超出生死，见贤勿慢，见善勿谤，勿以小过证人大罪，违法失理，其罪莫大。罪福有证，可不慎耶！」

阿难复白佛言：「末世弟子理家因缘，随事便宜，当云何？」

佛言：「受佛禁戒，信而奉行，不念逛妄，奉孝畏慎！敬归三尊，养亲尽忠，可得为世间事，不可得为世意也。」

阿难言：「世间事，世间意，云何耶？天中天！」

佛言：「为佛弟子，可得贩利业，平斗直尺不憫人民，施行合理，不违自然。葬送移徙、姻娶之事，是为世间事也。」

「世间意，为佛弟子，不得卜问、请祟、符呪、厌怪、祠祀、解奏，亦不得择良时、良日。受佛五戒者，福德人也，有所施作，当启三尊；道护为强，设使诸天、天龙、鬼神无不敬伏。戒贵则尊，无往不吉，岂有忌讳不善者耶！」

「不达之人，自作骂詈，善恶之事自由心作，祸福由人，如影追形响之应声。戒行之德，应之自然，诸天所护，愿不意违，感动十方，与天参德；功勋巍巍，众圣咨嗟，难可称量！智士达命，没身不邪，善如佛教，可得度世之道。」

阿难闻佛所说，更整袈裟，头脑顿地：「唯然，世尊！我等有福，得值如来，普恩慈大，愍念一切，为作福田，令得脱苦。」

佛言：「至真而信者少，是世多恶，众生相诟甚可痛哉！若有信者，如一若两，奈何世恶，乃弊如是！佛灭度后，经法稍替渐衰灭矣！呜呼！痛哉！将何恃怙？」

阿难堕泪，因事说曰：

「佛为三界护，    恩广大慈普，  
世弊不见佛，    值法者亦难。」

痛矣不识者，  
痛矣乃如斯，  
宿福值法者，  
经教稍稍没，  
佛恩非不大，  
法鼓震三千，  
世浊多恶人，  
谀諂啤訛圣，  
不信世有佛，  
是人是非人，  
命尽往无择，  
饿鬼好伐杀，  
淫逸抱铜柱，  
枉谤清高士，  
乱酒无礼节，  
死入地狱中，  
遭逢众危难，  
若生还为人，  
不杀得长寿，  
不盗后大富，  
不淫香清净，  
光影常赫奕，  
至诚不欺诈，  
不解后明了，  
五福超法出，  
所生亿万倍，  
末世诸恶人，  
痴愚不别道，  
蔽圣毁正觉，  
识神处其中，  
求死不得死，  
矛戟相贯刺，  
奈何世如是，  
解奏好卜问，

盲盲不别真，  
罪使令如是。  
若一若有两，  
当复何恃怙？  
罪由众生故，  
如何不得闻？  
倒见堕颠倒，  
邪媚相毁坏。  
言佛非大道，  
自作众罪本。  
刀剑解身形，  
镬汤涌其中，  
大火相烧然，  
铁钩拔其舌。  
迷惑失人道，  
洋铜沃其口，  
毒痛不可言，  
下贱贫穷中。  
无病常康强，  
钱财恒自饶，  
身体鲜苾芬，  
上则为天王。  
为众所奉承，  
德慧所尊敬。  
天人同俦类，  
真谛甚分明。  
不信多狐疑，  
罪深便逮冥，  
死入大铁城，  
头上戴铁轮。  
须臾已变形，  
躯体恒残截。  
背正信鬼神，  
祭祀伤不仁，

死坠十八狱，  
八难为界首，  
若时得为人，  
痴騃无孔窍，  
朦胧不达事，  
展转众徒聚，  
为人所割屠，  
归偿宿怨对，  
无道堕恶道，  
人身既难得，  
世尊为众佑，  
敷遗甘露法，  
哀哉已得慧，  
开语示道真，  
福人在向向，  
自归大护田，  
恩慈莫过于，  
愿使一切人，  
慧船到彼岸，  
彼我无有二，  
经历黑绳狱，  
得复人身难。  
蛮狄无义理，  
跛蹙症不语，  
恶恶相牵拘。  
禽兽六畜形，  
剥皮视其喉，  
以肉给还人，  
求脱甚为难。  
佛经难得闻，  
三界之特尊，  
令人普奉行。  
愍念群萌故，  
黠者即度苦。  
见谛学受成，  
殖种不死地。  
世佑转法轮，  
得服甘露浆，  
法磬引大千，  
愿发无上真。」

阿难说如是，诸会大众信解，僧那大铠甘露之音，香熏三千。从是得度，开现地道，为作桥梁，国王、臣民、天龙、鬼神，闻经所记，阿难所说，且悲、且喜，稽首佛足，及礼阿难，受教而去。

## 佛说阿难分别经

---

【经文信息】大正藏第 14 册 No. 0495 佛说阿难分别经

【版本记录】CBETA 电子佛典 Rev. 1.11 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供，Jasmine 提供新式标点

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

